



SIARAN MEDIA

UNTUK SIARAN SEGERA

PTPTN TAWAR BIASISWA KEPADA PELAJAR IPTA

1. Perbadanan Tabung Pendidikan Tinggi Nasional (PTPTN) sebagai agensi di bawah Kementerian Pendidikan Tinggi (KPT) terus komited memastikan pelajar yang layak tidak tercicir daripada melanjutkan pengajian ke Institusi Pendidikan Tinggi Awam (IPTA) akibat kekangan kewangan, selaras dengan aspirasi Kerajaan memperluas akses pendidikan tinggi yang inklusif serta melahirkan modal insan berilmu, berkemahiran dan berdaya saing.
2. Inisiatif Biasiswa Anak eKasih PTPTN (BAeK PTPTN) yang diumumkan oleh YAB Perdana Menteri semasa Belanjawan 2026 merupakan pendekatan keadilan sosial bagi pendidikan yang disediakan oleh Kerajaan. Melalui pelaksanaan BAEK PTPTN, pinjaman PTPTN diberikan dalam bentuk biasiswa kepada pelajar miskin dan miskin tegar yang berdaftar dalam pangkalan data eKasih dan mengikuti pengajian peringkat Diploma atau Ijazah Sarjana Muda secara sepenuh masa di IPTA yang diluluskan pinjaman PTPTN mulai 1 Januari 2026.
3. Pada hari ini, sesi penyerahan BAEK PTPTN telah diadakan di Melaka melibatkan empat (4) orang pelajar Universiti Kebangsaan Malaysia, Universiti Teknologi MARA (UiTM) dan Politeknik Melaka yang disempurnakan oleh YB Tuan Adam Adli Abd Halim, Timbalan Menteri Pendidikan Tinggi. Turut hadir, YBrs. Puan Mastura Mohd Khalid, Ketua Pegawai Operasi PTPTN. Sejak diperkenalkan pada 1 Januari 2026 sehingga 31 Ogos 2026 seramai 1,254 orang pelajar di seluruh negara telah menerima manfaat BAEK PTPTN melibatkan peruntukan berjumlah RM20.87 juta.
4. Pelaksanaan BAEK PTPTN mencerminkan komitmen Kerajaan memperluas akses pendidikan tinggi kepada pelajar daripada keluarga miskin dan miskin tegar, di samping melahirkan modal insan berilmu, berkemahiran dan berdaya saing demi pembangunan negara.

Diedarkan oleh:

**Bahagian Komunikasi Korporat
Perbadanan Tabung Pendidikan Tinggi Nasional (PTPTN)
20 September 2026**

Untuk pertanyaan daripada pihak media, sila hubungi Puan Rina Abd Rahman (019 - 3888 733) atau Puan Hasliza Abdul Latiff (019 - 354 2388)